

四庫全書

子部

欽定四庫全書

子部
駢志卷十七

詳校官中書臣張姚成

主事臣祁韻士覆勘

總校官進士臣朱 鈐

校對官中書臣王家賓

謄錄監生臣章玉植

欽定四庫全書

駢志卷十七

明 陳禹謨 撰

壬部上

人之生因水異

人之生因土異

呂覽輕水所多禿與癭人重水所多腫與癡人甘水
所多好與美人辛水所多疽與瘞人苦水所多疔與

偃人 又淮南子云清水音小濁水音大湍水人輕
遲水人重

淮南子堅土人剛弱土人肥壚土人大沙土人細息
土人美耗土人醜 土地各以其類生是故山氣多

男澤氣多女障氣多

音暗 音殷啼極而無聲也

風氣多聾林氣多

瘿木氣多偃

音羽 偃也

岸下氣多腫石氣多力險阻氣多

瘿暑氣多天寒氣多壽谷氣多痺丘氣多狂衍氣多

仁

下而汚 者為衍

陵氣多貪輕土多利重土多遲

利疾也

中土

多聖人皆象其氣皆應其類

人右耳目不如左明

人左手足不如右強

黃帝內經金匱真言論天不足西北故西北方陰也而人右耳目不如左明也地不滿東南故東南方陽也而人左手足不如右強也帝曰何以然岐伯曰東方陽也陽者其精并于上并于上則上明而下虛故使耳目聰明而手足不便也西方陰也陰者其精并

于下并于下則下盛而上虛故其耳目不聰明而手足便也故俱感于邪其在上則右甚在下則左甚此天地陰陽所不能全也故邪居之

舜手握褒

孔掌威射

孝經援神契舜手握褒

宋均注手中有褒字也喻從勞苦起受褒飾致天祚

孝經鉤命決仲尼虎掌是謂威射 又論語摘輔象

云澹臺滅明岐掌是謂正直仲弓鉤文在手是謂知

始宰我手握戶是謂守道子游手握文雅是謂敏士
公冶長手握輔是謂習道子貢手握正是謂受相公
伯周手握直期是謂疾惡

舜目重瞳項羽亦重瞳

重耳仇脇張儀亦仇脇

史記周生曰舜目蓋重瞳子又聞項羽亦重瞳子羽
豈其苗裔邪何興之暴也 劉子云顏回重瞳 漢

書王莽重瞳子 涼州記呂光身長八尺四寸目重

瞳子左肘有肉中 梁書沈約左目重瞳子腰有紫
痣聰明過人好墳籍聚書至二萬卷都下無比 北
史隋魚俱羅相表異人目有重瞳言聞數百步陰為
煬帝所忌梁敬真希旨奏殺之 五代史梁康王友
孜目重瞳子嘗竊自負以為當為天子 南唐書李
煜重瞳子

論衡晉公子重耳化脇為諸侯霸蘇秦骨鼻為六國
相張儀化脇亦相秦 左傳晉公子重耳及曹曹共

公聞其駢脇欲觀其裸浴薄而觀之

杜預注駢脇合幹

南

史梁武帝曰角龍顏重岳虎顧舌文八字項有浮光
身映日無景兩髀駢骨

越王長頸烏喙

秦王長目鵞膺

史記范蠡自齊遺大夫文種書曰蜚鳥盡良弓藏狡
兔死走狗烹越王為人長頸烏喙可與共患難不可
與共安樂子何不去種見書稱病不朝人或說種且

作亂越王乃賜種劔曰子教寡人伐吳七術寡人用
其三而敗吳其四在子子為我從先王試之種遂自
殺

論衡大梁人尉繚說秦始皇以并天下之計始皇從
其冊與之抗禮衣服飲食與之齊同繚曰秦王為人
龍準長目鰲膺豺聲少恩虎視狼心居約易以下人
得志亦輕視人我布衣也然見我常身自下我誠使
秦王須得志天下皆為虜矣不可與交游乃亡去

蜂目豺聲

豺聲豹視

晉書王敦傳潘滔見敦而目之曰處仲蜂目已露但
豺聲未振若不噬人亦當為人所噬

又王彌傳隱者董仲道見而謂之曰君豺聲豹視好
亂樂禍若天下騷擾不作士大夫矣

魏武帝捉刀立牀頭

宋世祖改服觀魏使

世說魏武將見匈奴使自以形陋不足雄遠國使崔季珪代帝自捉刀立牀頭令間諜問曰魏王何如匈奴使荅曰魏王雅望非常然牀頭捉刀人此乃英雄也魏武聞之追殺此使

南史魏太武大舉至淮南時孝武帝鎮彭城魏使尚書李孝伯至帝遣長史張暢與語而帝改服觀之孝伯目帝不輟及出謂人曰張侯側有人風骨視瞻非常人也

單于遷延却退

蕃人莫敢仰視

前漢河平四年單于來朝引見白虎殿丞相王商坐
未央宮中單于前拜謁商商起離席與言單于仰視
商貌大畏之遷延却退天子聞而歎曰此真漢相矣
北史韋藝為營州總管藝容貌瓌偉每夷狄參謁必
整儀衛盛服以見之獨坐滿一榻蕃人畏懼莫敢仰
視

圖形禳鬼

寫形愈瘡

南史檀道濟雄名大振魏甚憚之圖之以禳鬼

又桓康隨武帝起兵摧堅陷陣膂力絕人所經村邑
恣行暴害江南人畏之以其名怖小兒畫其形于寺
中病瘡者寫形貼著牀壁無不立愈

手與麈尾柄同色

手與玉如意不分

晉書王衍每捉玉柄麈尾與手同色

南史簡文帝手執玉如意不相分辨

爛爛如巖下電

閃閃如巖下電

晉書王戎形狀短小眸子洞徹視日而眼照不虧裴楷見而目之曰戎眼爛爛如巖下電

又裴令公有雋容姿一旦有疾至困惠帝使王夷甫往看裴方向壁臥聞王使至強回視之王出語人曰

雙眸閃閃若巖下電

頽唐如玉山之將崩

傀俄若玉山之將崩

世說時人目夏侯太初朗朗如日月之入懷李安國
頽唐如玉山之將崩

又嵇康身長七尺八寸風姿特秀見者歎曰蕭蕭肅
肅爽朗清舉或云肅肅如松下風高而徐引山公曰
嵇叔夜之為人也巖巖若孤松之獨立其醉也傀俄

若玉山之將崩

兩玉人

二天人

南史謝晦謝混俱在武帝前帝目之曰一時頓有兩玉人

北史崔子約與兄子瞻俱寄居佛寺儀望俱華沙門以為二天人

投果滿車

衣寶盈車

晉書潘岳少時常挾彈出洛陽道婦人遇之者皆連
手縈繞投之以果遂滿車而歸時張載甚醜每行小
兒以瓦石擲之委頓而反又世說潘安仁妙有姿
容好神情少時挾彈出洛陽道婦人遇者莫不連手
共縈之左太冲絕醜亦復效岳遨遊于是羣姬齊共
亂唾之委頓而返

拾遺記王溥挾竹簡挿筆于洛陽市傭書美于形貌

又多文辭來餽其書者丈夫贈其衣冠婦人遺其珠玉一日之中衣寶盈車而歸

期期

艾艾

漢書周昌為人吃高帝欲廢太子昌曰臣口不能言然臣期期知其不可陛下欲廢太子臣期期不奉詔上欣然而笑即罷

世說鄧艾以口吃不得作幹佐為稻田守叢草吏

魏志嘗語稱父艾晉文王戲之曰卿云父艾定是幾
父對曰鳳兮鳳兮故是一鳳

惠莊口不能劇談

楊雄口不能劇談

兩京雜記長安有儒生曰惠莊聞朱雲折五鹿充宗
之角乃歎息曰栗犢反能爾耶吾終耻溺死溝中遂
裹糧從雲雲與言莊不能對逡巡而去拊心謂人曰
吾口不能劇談此中多有

漢書揚雄口吃不能劇談而好深湛之思

夏侯撲鏡

張裕撲鏡

魏志夏侯惇為流矢所中傷左目 魏略惇每照鏡

恚怒輒撲鏡于地

蜀志張裕曉相術每舉鏡視面自知刑死未嘗不撲之于地 初先主與劉璋會涪時裕為璋從事侍坐其人饒鬚先主嘲之曰昔吾居涿郡特多毛姓東西

南北皆諸毛也。涿令稱曰：諸毛繞涿，居乎裕。即荅曰：昔有作上黨潞，長遷為涿令。涿令者去官還家時，人與書欲署潞，則失涿；欲署涿，則失潞。乃署曰潞。涿君先主無鬚，故裕以此反之。先主常銜其不遜，加忿其漏言，乃顯裕諫爭。漢中不驗，下獄將誅之。諸葛亮表請其罪。先主荅曰：芳蘭生門，不得不鉏。裕遂棄市。後魏氏之立先主之薨，皆如裕所刻。

王白鬚

謝白面

晉書王彪之年二十鬚鬢皓白時人謂之王白鬚
又謝石少患面創療之莫愈乃自匿夜有物來舐其
創隨舐隨差舐處甚白故世呼為謝白面

黃鬚兒竟大奇

黃領兒何足拜

魏志鮮卑大人軻比能將數萬騎觀望強弱見任城
王彰力戰所向皆破乃請服北方悉平時太祖在長

安名彰詣行在所彰自代過鄴太子謂彰曰卿新有功今當見上宜勿自伐應對常若不足者彰到如太子言歸功諸將太祖喜持彰鬚曰黃領兒竟大奇也北史神武墓後崔悛竊言黃領小兒堪當重任不崔暹外兄李慎以告暹暹啓文襄絕悛朝謁悛要拜道左文襄發怒曰黃領兒何足拜也

黃面兒

白面兒

唐書賈餗會曲江故事尹自門步入揖御史餗騎而
入御史楊儉蘇特固爭餗曰黃面兒敢爾

五代史末帝遣使者監督劉鄩軍鄩召諸將謀曰主
上深居禁中與白面兒謀必敗人事

文在手曰虞

文在手曰友

論衡云晉唐叔生文在其手曰虞

左傳成季之將生也桓公使卜楚丘之父卜之曰男

也其名曰友及生有文在其手曰友遂以命之 又宋
仲子生有文在其手曰為魯夫人 三十六國春秋劉
淵生而左手有文曰淵遂以命之 載記劉元海十
二月而生左手文有其名遂以名焉

背赤文起成字曰艸付
臂肉脉起成字曰巨霸

載記苻堅母苟氏嘗游漳水祈子于西門豹祠其夜
苟夢與神交因而有孕十二月而生堅焉有神光自

天燭其庭背有赤文隱起成字曰艸付臣又土王咸陽

又呂光左臂肉脉起成字文曰巨霸

郭解短小精悍

樓護短小精辯

延年短小精悍

李紳眇小精悍

史記郭解為人短小精悍不飲酒少時陰賊慨不快
意身所殺甚衆以軀借交報讐藏命作姦剽攻不休
及鑄錢掘冢固不可勝數適有天幸窘急常得脫若

遇赦及解年長更折節為儉以德報怨厚施而薄望
然其自喜為俠益甚既已振人之命不矜其功其陰
賊著于心卒發于睚眦如故云

漢書嚴延年為人短小精悍敏捷于事

又樓護為人短小精辯論議常依名節聽之者皆竦
與谷永俱為五侯上客

舊唐書李紳形狀眇小而精悍能為歌詩鄉賦之年
諷誦多在人口

短主簿

鐵主簿

世說王珣郗超並有奇才為大司馬所眷拔珣為主簿超為記室參軍超為人多鬚珣狀短小于時荊州為之語曰顓參軍短主簿能令公喜能令公怒

北史許惇為司徒主簿以明斷見稱人號為入鐵主簿

孟幽州業重一千斤

南陽王保重八百斤

語林孟業甚肥或以為千斤武帝乃作一大秤掛壁業入見武帝曰朕欲自秤有幾斤業答曰陛下欲秤臣耳無煩復勞聖躬於是秤業果得千斤

晉書南陽王保體質豐偉自稱重八百斤

姜維膽如斗

李膽膽如升

世語曰姜維死時見剖膽大如斗

南史侯景之為逆也東陽人李瞻起兵為賊所殺見其膽者乃如升焉

無令鬚汚土

無令土汚鬚

後漢書溫序拜謁者遷護羌校尉序行郡至襄武為隗囂將苟宇所拘刼宇謂序曰子若與我并威同力天下可圖也序大怒叱宇因以節撻殺數人宇曰此義士死節可賜以劔序受劔銜鬚於口顧左右曰既

為賊所迫殺無令鬚汚土遂伏劍死

前趙錄劉聰以讒慝故誅詹事曹光光臨刑舉止自若謂刑者曰取席敷之無令土汚吾鬚

一宿髮白

數日髮白

齊書謝超宗下廷尉一宿髮白皓首又徐寅嘗有罪繫獄旦日原之而髮皓白武帝問其故曰臣思憊於內而髮變於外當時稱之

舊唐書李日知神龍初為給事中母老病取急調侍
數日鬚髮輒白

髮若動

髮如直

舊唐書顏杲卿被殺徇首于衢莫敢收有張湊者得
其髮持謁上皇是夕見夢帝寤為祭後湊歸髮于其
妻妻疑之髮若動云

大中遺事軒轅先生居羅浮山宣宗召禁中問道術

能散髮箕踞用氣攻其髮條條如鐵線直

換眼

易鼻

卓異記陶穀少時夢數吏云奉符換眼吏附耳求錢
十萬安第一眼穀不應又云錢五萬安第二眼復不
答吏曰可安第三眼即以二彈丸納眼中既覺眼色
深碧後有善相道士陳紫陽曰好貴人氣柰一雙鬼
眼竟不至大位

括異志徐郎中筠少夢神人狀甚偉手攜竹籃其中
皆人鼻端視徐曰形相非薄但其鼻曲而小吾與若
易之遂于籃中擇一鼻先剽徐鼻擲去以所擇鼻安
之仍以手指周固四際夢中亦覺痛楚神笑曰好一
正郎鼻也徐之鼻素隆不正自夢易之後自然端直
歷官駕部郎中

李克用號獨眼龍

王延稟謂獨眼龍

五代史李克用少驍勇軍中號曰李鶚兒其一目眇及其貴也又號獨眼龍威名蓋于代北

五國故事王延稟審知之養子眇一目人謂之獨眼龍

刺胷作花

飾面用花

天寶軍錄云日南廐山連接不知幾千里裸人所居白民之後也刺其胷前作花有物如粉而紫色畫其

兩目下去前二齒以為美飾

酉陽雜俎今婦人面飾用花子起自昭容上官氏所製以掩點跡大厯以前士大夫妻多妬悍者婢妾小不如意輒印面故有月點錢附百姓間有面戴青誌如黥舊言婦人在草蓐亡者以墨點其面不爾則不利後人越人習水必鏤身以避蛟龍之患今南中繡面老子蓋雕題之遺俗也

曾刺張燕公詩

身刺白舍人詩

酉陽雜俎蜀小將韋少卿韋表微堂兄也少不喜書
嗜好劖青其季父嘗令解衣視之背上刺一樹樹杪
集鳥數十其下懸鏡鏡鼻繫索有人止側牽之叔不
解問焉少卿笑曰叔不曾讀張燕公詩否挽鏡寒鴉
集耳

又荊州街子葛清勇不膚撓自頸以下遍刺白居易
舍人詩段成式常與荊客陳至呼觀之令其自解背

上亦能闇記反手指其去處至不是愛花偏愛菊則
有一人持盃臨菊藂又黃夾纈林寒有葉則指一樹
樹上掛纈纈窠鏤勝絕細凡刻三十餘處首體無完
膚陳至呼為白舍人行詩圖也

背鏤天王

背刺天王

酉陽雜俎李夷簡元和末在蜀蜀市人趙高好鬪常
入獄滿背鏤毗沙門天王吏欲杖背見之輒止恃此

轉為坊市患害左右言于李李大怒擒就廳前索新造筋棒頭徑三寸叱杖子打天王盡則已數三十餘不絕經旬日袒衣而歷門叫呼乞脩理功德錢

又段成式門下騶路神通每軍設力能戴石簷鞞六百斤石齧破石栗數十背刺天王自言得神力入場神助多則力生常至朔望日具乳糜焚香袒坐使妻兒供養其背而拜焉

若有反相

公有反骨

漢書高祖立凖于沛為吳王已拜受印名凖相之曰
若狀有反相獨悔業已拜因拊其背曰漢後五十年
東南有亂豈若邪然天下同姓一家慎無反

北史皇甫玉嘗為高歸彥相曰位極人臣但莫反歸
彥曰我何為反玉曰公有反骨 又李文觀台宿有
逆謀氣言于咸陽王禧曰玄象變汝終為逆謀會無
所成但受惡而已至此果如言

子公食指動

張融搖食指

左傳楚人獻黿于鄭靈公公子宋與子家將見子公之食指動以示子家曰他日我如此必嘗異味及入宰夫將解黿相視而笑公問之子家以告及食大夫黿召子公而弗與也子公怒染指于鼎嘗之而出南史張融傳豫章王大會賓僚融食炙始行畢行炙人便去融欲求鹽蒜口終不言方搖食指半日乃息

出入朝廷皆拭目驚觀之

安祿山以兩足黑子呈韓公

吳行魯以足下文理呈中尉

開元傳信記安祿山初為張韓公仁愿帳下吏韓公嘗令祿山洗足韓公脚下有黑子祿山因竊視之韓公顧笑曰黑子吾貴相也獨汝窺之亦能有之乎祿山曰某賤人也不幸兩足皆有之比將軍者黑而加大不知是何祥也韓公竒而觀之約為義兒彌加薦

寵

明皇雜錄定命錄俱載按袁天綱相書云足下有龜文黑子並大貴一品宰輔之相

北夢瑣言吳行魯少事內官西門軍容一日為洗足中尉以脚下文理示之曰如此文理爭教不作十軍軍容行魯曰某亦有之乃脫履呈中尉歎曰我為汝成之後假以軍職有功除西川節度

百穀

五穀

楊泉物理論曰梁者黍稷之總名也稻者溉種之總

名也菽者衆豈之總名也三穀各二十種為六十種蔬
果之實助穀各二十種為百穀

范子計然曰東方多麥稻西方多麻北方多菽中央
多禾五土之宜各有高下高而陽者多豈平而陰者
多五穀

又曰五穀者萬民之命國之重寶也是故無道之君
及無道之民皆不能積其盛有餘之時以待其衰不
足也 月令云五時食穀春麥夏菽季夏稷秋麻冬

黍 楚辭大招五穀注稻稷麥荳麻 漢食貨志五

穀注麻金黍火稷土麥水荳木 教乘法數云黍粟稷菽

衆麥大麥小麻稻糯

六穀

九穀

合璧事類六穀者稻黍稷粱麥瓜是也 又云三穀

者粱稻菽是也

又云九穀者稷秫黍稻麻大小荳大小麥是也

浹日翻形明清清腸之稻

搖枝鳳冠遊龍瓊膏之粟

拾遺記融澤國有浹日之稻種之十旬而熟有翻形
稻言食者死而更生天而有壽有明清稻食者延年
也清腸稻食一粒歷年不饑

又有搖枝粟其枝長而弱無風常搖食之益髓有鳳
冠粟似鳳鳥之冠食者多力有遊龍粟葉屈曲似遊
龍也有瓊膏粟白如銀食此二粟令人輕骨

繞明挾劒傾離之荳

紫沉雲水通明之麻

拾遺記有繞明荳其莖弱自相縈纏有挾劒荳其莢
形似人挾劒橫斜而生有傾離荳言其荳見日葉垂
覆地食者不老不疾

又有紫沉麻其實不浮有雲水麻實冷而有充宜為
油澤有通明麻食者夜行不持燭是苴藤也食之延
壽

延精昆和輕心醇和含露之麥

朝虹宵明焦茅黃蘗聞遐之草

拾遺記有延精麥延壽益氣有昆和麥調暢六府有
輕心麥食者體輕有醇和麥為麴以釀酒一醉累月
食之凌冬可袒有含露麥穗中有露味甘如飴已
上俱融澤國出

又融澤國之北有草名虹草枝長一丈葉如車輪根
大如穀花似朝虹之色宵明草夜視如列燭晝則無

光焦茅草高五丈燃之成灰以水灌之復成茅也謂之靈茅黃渠草映日如火其堅韌若金食者焚身不熱聞遐草服者耳聰香如桂莖如蘭

朱草日生一葉

莫莢日生一莢

大戴禮朱草日生一葉至十五日生十五葉十六日一葉落終而復始

帝王世紀堯時有草夾階而生每月朔始生一莢至

月半則生十五莢十六日以後日落一莢至月晦而
盡月小則餘一莢焦而不落王者以是占厯惟盛德
之君應和氣而生以為堯瑞名之蓂莢一名靈莢一
名仙莢

抱朴子曰昔黃帝候鳳鳴以調律唐堯觀蓂莢以知
月

佩之宜子孫

食之宜子孫

山海經柰陽之山有獸焉其狀如馬而白首其文如虎而赤尾其音如謠其名曰鹿蜀佩之宜子孫 南方草木狀萱草一名宜男婦人懷妊佩其花生男

又崇吾之山有木焉員葉而白拊赤花而黑理其實如枳食之宜子孫 又青要之山有鳥焉名曰鵯其狀如鳬青身而朱目赤尾食之宜子

金鹽

玉豉

東華真人煮石經舜嘗登蒼梧山曰厥金玉之香草
朕用偃息正道此乃五加也又異名曰金鹽昔西域
真人王屋山人常言何以得長久何不食石蓄金鹽
何以得長壽何不食石用玉鼓玉鼓者即地榆也五
加地榆皆是煮石而餌得長生之藥也昔尹公度聞
孟綽子董士固共相與言曰寧得一把五加不用金
玉滿車寧得一斤地榆安用明月寶珠

睡草

夢草

述異記桂林有睡草見之則令睡一名醉草亦呼為

懶婦箴

又出海南地記

又洞冥記多末國有五味草初生

味甘花時味酸食之使人不眠名曰却睡草

洞冥記夢草似蒲色紅晝縮入地夜則出亦名懷夢

懷其葉則知夢之吉凶立驗也帝思李夫人之容不

可得東方獻一枝帝懷之夜果夢夫人因改曰懷夢

草

獨活有風不動無風獨搖

薇蘅有風不偃無風獨搖

王羲之云石脾入水即乾出水便濕獨活有風不動
無風獨搖天下物理豈可以意求唯上聖乃能窮理
水經注石灘縣有錫義山方圓百里形如城四面有
門上有石壇長十餘丈世傳列仙所居今有道士披
髮餌木恒數十人山落谷深多生薇蘅草其草有風
不偃無風獨搖

花徑十丈

花長十丈

真人關令尹喜傳老子語喜曰天涯之淵真人所遊
各各坐蓮花之上花輒徑十丈有返生香逆風聞
十里

物類相感志華山頂上有池池生千葉蓮花長十丈
藕大如船服之羽化隋煬帝步虛辭八行分寶樹千
丈散芳蓮韓退之詩太華峰前玉井蓮花開十丈藕

如船

望舒荷

望舒草

拾遺記漢靈帝渠中植蓮大如蓋長一丈南國所獻其葉夜舒晝卷一莖有四蓮叢生名曰夜舒荷亦云月出則舒也故望舒荷

又晉太始中浮支國獻望舒草其色紅葉如荷近望則如卷荷遠望則如舒荷團團似蓋亦云月出則葉

舒月沒則葉卷

向日葵

朝日蓮

曹子建云葵藿之傾葉太陽雖不為之迴光終向之者誠也

益州方物蜀中有朝日蓮花色或黃或白葉浮水上開則隨日所在日入輒斂藏葉下

丹棘忘憂

青棠蠲忿

古今注欲蠲人之憂則贈以丹棘一名忘憂欲蠲人之忿則贈以青棠一名合歡合歡枝葉柔弱互相交結每一風來輒自相解了不相牽綴樹之家庭使人不忿嵇康種之舍前 又本草其葉能去垢至暮即合故曰合昏又謂之夜合花 養生論合歡蠲忿萱草忘憂

君子芋

博士芋

廣志云蜀漢既繁芋民以為資凡十四芋有君子芋
大如斗魁有百果芋魁大子繁多畝收百斛種一百
畝葉以養麋

風土記云博士芋蔓生根如鷺鴨卵

救窮草

醒醉草

福地記武當縣石塔山西北角有大松樹樹下生草

名救窮冬夏不枯日食三寸絕穀不饑登遐度世陶
先生謂之西岳佐命是也

天寶遺事興慶池南岸有草數叢葉紫而心殷有一
人醉過於草傍不覺失其酒態後有醉者摘草嗅之
立然醒悟故目為醒醉草

東陵五色瓜

會稽五色瓜

史記召平者故秦東陵侯秦破為布衣貧種瓜長安

城東瓜美故世俗謂之東陵瓜 又阮籍詩昔聞東陵瓜近在青門外連畛距阡陌子母相勾帶五色曜朝日嘉賓四面會

述異記吳桓王時會稽生五色瓜今吳中有五色瓜歲充貢賦

避諱名薯藥

避諱名山藥

負暄雜錄山藥本名薯蕷避唐代宗諱豫改名薯藥

宋英宗諱曙遂名山藥 又本草一名山芋秦楚名
玉延鄭越名土藷一名脩脆一名兒草

浮根

沉實

洞冥記漢武旦露池西見靈池中有浮根菱根出水
上葉沉波下霜降彌美因名青水菱

拾遺記昭帝琳池中有倒生菱莖如亂絲一花千葉
根浮水上實沉泥中名紫菱食之不老

五大夫松

五大夫栢

漢官儀秦始皇上泰山風雨暴至休于松

史作樹

下因

封其樹為五大夫

河南志嵩山天封觀有古栢三株武后封五品大夫

陰百餘步俗云大小將軍

仁壽木

君子樹

拾遺記晉人為介之推起思煙臺種仁壽木木似栢而枝長柔軟其花堪食

晉宮閣記華林園有君子樹三株

千年長生樹

萬年長生樹

西京雜記上林苑有千年長生樹十株萬年長生樹十株又晉宮閣記華林園有萬年樹十四株

合掌栢

摩頂松

酉陽雜俎唐太常博士崔石云汝西有練溪多異栢
及暮枝葉斂俗呼合掌栢

大唐新語玄奘法師往西域取經手摩靈巖寺松枝
曰吾西去求佛教汝可西長吾歸即東向使吾弟子
輩知之既去其枝年年西指一年忽東向弟子曰教
主歸矣果還至今謂之摩頂松

不死樹

恒春樹

博物志員丘山有不死樹食之乃壽

拾遺記方丈山有恒春之樹葉如蓮芬芳如桂色隨
四時一名沉生

返魂樹

無患樹

十洲記聚窟州有返魂樹伐其根心於玉釜中煮取
汁煎之令可丸名曰金精香或名震靈丸或名返生

香或名却死香死屍在地聞氣乃活

古今注程雅問櫨木曰無患何也荅曰昔有神巫能符劾百鬼得鬼則以此木為棒棒殺之世人相傳以此木為衆鬼所畏競取以為器用以却邪厭鬼故曰無患也又纂文今僧家貫之為念珠惟取紫紅色小者佳本草無患子一名噤婁一名桓桓患字聲訛也酉陽雜俎無患木燒之極香

指星木

發日樹

洞冥記帝常見彗星東方朔折指星之木以授帝帝以木指彗星星尋沒也星出之夜野獸皆鳴別說謂之獸鳴星

洞冥記胥池寒國有發日樹言日從雲出雲來掩日風吹樹枝拂雲開日光也亦名開日樹

不燼之木

不灰之木

神異傳南方有大山焉長四十里廣四五里其中皆生不燼之木晝夜火然澍雨猛風不滅

開山圖山出不灰之木生火之石案注云其木色墨似炭而無葉有石赤如丹以一石相磨則火發以然無火可以終身今則無之

慎火樹

勝火木

南越志廣州有大樹可以禦火山北謂之慎火或謂

戒火多種屋上以防火

伏琛齊地記武城東南有勝火木方俗音曰挺子其木經野火燒炭不滅故東方朔謂為不灰之木又

抱朴子曰南海蕭丘之上生一種木雖為火所著但少焦黑人或得以為薪者炊熟則灌滅之用之不窮

平仲木

君遷樹

吳都賦平仲之木實白如銀君遷之樹子如瓠形

鳳條

孫枝

酉陽雜俎歷城房家園其中雜樹森竦或有人折其
桐枝者博陵君輒曰何為傷吾鳳條

風俗通梧桐生于嶧陽採東南孫枝為琴聲極清麗
周禮註孫枝之根末生者也蓋桐孫亦然

樹槐

種槐

金匱武王問太公曰天下神來甚衆恐有試者何以待之太公曰請樹槐於王門內有益者入無益者距之

後周書韋孝寬為雍州刺史先是路側一里置以土堠經雨頽毀每須修之孝寬臨州勅部內當堠處置槐樹既免修復行路又得庇蔭文帝後見之於是令諸州道一里種一樹十里種三樹百里種五樹

一日三榮三悴

一日三眠三起

玉箱雜記晉陽都城北角有槐樹一日之間三榮三悴
三輔故事漢苑中有柳狀如人號曰人柳一日三眠
三起

樁可以為糧

桑可以充衣

異苑漢興平元年九月桑再樁時劉玄德軍小沛年
荒穀貴士衆皆饑仰以為糧

唐書李德裕居家以儉約自處每謂子孫曰吾性不好貨財遂至貧乏然吾近京城有賜田十頃耕之可以充食桑若干根可以充衣

聖柰

仙桃

洽聞記河州鳳林關有靈巖寺每七月十五日溪中流出聖柰大如盞以為常

神仙傳仙桃出蘇昵仙壇有人至心祈之輒落壇上

或至五六顆形如石塊赤黃色破之如有核三重研飲之立愈衆疾尤治邪氣

哀家梨

高聰梨

世說桓南郡每見人不快輒嗔云君得哀家梨當復蒸食否

北史魏高聰以高肇之黨彈廢於家斷絕人事惟修營園果世稱高聰梨以為珍異

眞定梨

箭谷梨

魏文帝詔眞定御梨大若拳甘若蜜脆若菱可以解煩釋渴

廣志新豐箭谷梨 謝朓賜紫梨啓味出靈關之陰
旨珍玉津之澁豈徒眞定歸美大谷慙滋 又庾肩
吾啟睢陽東苑子園三尺新豐箭谷枝懸六斤

千年棗

三星棗

杜遷經行記大食國有千年棗

廣志河東安邑棗東郡穀城紫棗長二寸西王母棗
大如李核三月熟在衆果之先洛陽宮後園河內汲
郡棗一名墟棗一名安益棗東海蒸棗洛陽夏后棗
安平信都大棗單父棗梁國夫人棗大白棗一名曰
感咨小核多肌三星棗駢白棗灌棗此四者宮園所
種棗有狗牙雞心牛頭羊矢獼猴細腰之名又有玄

棗大棗崎廉棗桂棗夕棗之名

杏核如笠

桃核尺餘

神仙感遇傳裴航冉從伯遇白衣老人裴渴甚求茗
老人指一土龕此中有少漿可就取裴視龕中有杏
核一扇如笠滿中有漿漿色正白乃力舉飲之不復
饑渴漿味如杏酪老人曰君飲杏漿當哭九族親情
且以酒色為誠也

野人閒話蜀文谷于中書劉光祚處見桃核杯杯濶
尺餘紋彩燦然真蟠桃之實也劉自云少時游華嶽
見一道士以此核酌瀑泉盥漱觀之驚駭道士以半
片授之 又墨庄漫錄有人以桃核半枚獻王黼者
中容米三四斗

棗長四五寸

棗長六七寸

大業拾遺信都獻仲思棗四百枚棗長四五寸正紫

色細文文皺小核味甘勝于青州棗北齊時有山人
仲思得此棗種之因以為名亦名仙棗時海內惟有
數株

神異經北方荒中有棗林焉其高五十丈敷張枝條
數里餘疾風不能偃雷電不能摧其子長六七寸圍
過其長熟色如朱乾之不縮氣味潤澤殊于常棗食
之可以安軀益氣赤松子云北方大棗味有殊既可
益氣又安軀

七尺棗

三尺梨

述異記北方有七尺之棗南方有三尺之梨凡人不得見或見而食之即為地仙

榴名三十八

榴重五六斤

瑣碎錄河陰石榴名三十八中只有三十八子也

酉陽雜俎大食勿斯離國石榴重五六斤

十二枚及一尺

十五枚為一升

酉陽雜俎衛公言滑州櫻桃十二枚及一尺

三秦記漢武帝果園栗十五枚為一升

一蒂十七實

一蒂十二實

南方草木狀吳黃武中交趾太守士燮獻橘十七實

同一蒂以為瑞異羣臣畢賀

建武故事晉咸和六年西平將軍庾亮送橘十二實
共同一蒂以為瑞異又三國典略梁侯景未平王
僧辨獻嘉橘一蒂二十五子于湘東王王荅之曰昔
文康獻橘十有二子用今方古彼有慙色今景之兇
惡既稔凱歌之聲已及嘉瑞遠臻但增哽慰

合成樹分三衢

獨根樹分二枝

南越志博羅縣有合成樹十圍去地二丈分為三衢

東向一衢大葉似棟子如檄攬而硬削去皮南人以
為糝南向一衢檄攬西向一衢檄攬

金樓子有樹名獨根分為二枝其東向一枝是木威
樹南向一枝是檄攬樹

楠謂之讓木

橘謂之讓木

武林郡記雉山有木名交讓衆木敷榮後方萌芽亦
更歲更榮枯也 又楠木植之成行列枝葉若相迴

避然謂之讓木

雜志橘樹直竦枝葉不相妨蜀人謂之讓木

荔枝曲

荔枝圖

甘澤謠天寶十四歲六月日於驪山駐蹕是貴妃誕辰上命許雲封等小部音聲樂長生殿仍奏新曲未有曲會南海進荔枝因以曲名荔枝香左右歡呼聲動山谷是年祿山叛

舊唐書白居易為忠州刺史在郡為木蓮荔枝圖寄
朝中親友各記其狀曰荔枝生巴峽間樹影團團如
帷蓋葉如桂冬青華如橘春榮實如丹夏熟朶如蒲
桃核如枇杷殼如紅繒膜如紫綃瓤肉潔白如冰雪
漿液甘酸如醴如酪大略如彼其實過之若離本枝
一日而色變二日而香變三日而味變四五日外色
香味盡去矣

北夢瑣言唐劉僕射崇龜以清儉自居甚昭物論嘗

召同列餐苦為饌饑朝士有知其矯乃潛問小蒼頭
曰僕射晨餐何物蒼頭曰潑生喫了也朝中聞而哂
之又鎮番禺效吳隱之為人京國親知貧乏者顓俟
濡救但畫荔枝圖自作賦以遺之

烏桺大如酒盞

榴子大如碗盞

地里志梁侯園有烏桺八稜大如酒盞 閒居賦梁
侯烏桺之柿

鄴中記石虎苑中有安石榴子大如碗盞其味不酸
又晉安帝起居注武陵臨沅獻安石榴子大如碗
其味不酸一蒂五實

栗大如拳

栗大如柿

西京雜記上林苑有侯栗瑰栗魁栗榛栗嶧陽栗嶧
陽都尉曹龍所獻大如拳

詩經義疏栗五方皆有周秦吳揚特饒唯漁陽范陽

栗甜美長味他方不及也倭韓國上栗大如雞子亦短味不美桂陽有栗叢生大如柿又廣志栗有關中侯栗大如雞子梁州獻栗徑寸半越中栗大如拳地里志諸暨產如拳之栗後漢四夷傳馬韓出

大栗如梨魏志東夷魏國出大栗如梨

橘踰淮為枳

貉踰汶則死

周禮考工記橘踰淮而北為枳鸚鵡不踰濟貉踰汶

則死此地氣然也

水經注瞿塘灘上有神廟尤至靈驗刺史二千石經過皆不得鳴角伐鼓商旅上水恐觸石有聲乃以布裹篙足今則不能爾猶饗薦不輟此峽多猿猿不生北岸非唯一處或有取之放著北山中初不聞聲將同貉獸渡汶而不生矣

按此則峽之北岸自昔不聞猿聲矣詩人所稱兩岸猿聲

其謂之何

竹為棟梁

竹為釜甑

異物志有竹曰筥其大數圍節間相去局促其中實
滿堅強以為屋椽斷截便以為棟梁不復加斤斧也
孝經河圖少室之山大竹堪為釜甑 又雲南記雲
南有實心竹文采斑駁殊好可為器物其土以為槍
幹

涕竹為船

簞竹為布

神異經南方荒中有涕

音涕

竹長數百丈圍三丈五六

尺厚八九寸可以為船又南方草木狀雲丘竹一

節為船出扶南今交廣有竹節長二丈其圍一二丈者往往有之

南方草木狀簞竹葉疎而大一節相去五六尺出九真彼人取嫩者槌浸紡績為布謂之竹疎布

漆州通竹無節

昌州海棠有香

北戶錄漆州通竹直上無節空心也 又高潘州有
疎節竹五六尺一節僧道多以為杖

花譜海棠有色無香惟蜀中昌州海棠花有香其木
合抱故昌州號曰海棠香國州治前有香霏閣每花
或二十餘葉香氣醲郁

入水即乾出水便濕

置乾反濕置濕反乾

王羲之云石脾入之水即乾出之水便濕

酉陽雜俎雀芋如雀頭置乾地反濕置濕地反乾

惠子大瓠之種

田仲堅瓠之類

莊子惠子謂莊子曰魏王貽我大瓠之種我樹之成而實五石以盛水漿其堅不能自舉也剖之以為瓢則瓠落無所容非不呶然大也吾為其無用而培之莊子曰夫子固拙于用大矣子有五石之瓠何不慮以為大樽而浮乎江湖而憂其瓠落無所容則夫子

猶有蓬之心也夫 呂氏春秋白圭謂魏王曰市丘之鼎以烹雞多洎之則淡而不可食少洎之則焦而不熟而視之踴焉美無所可用惠子之言有似於此韓子齊有居士田仲者宋人屈穀見之曰穀聞先生之義不恃仰人而食今穀有樹瓠之道堅如石厚而無竅獻之仲曰夫瓠所貴者謂其可以盛也今厚而無竅則不可剖以盛物而任重如堅石則不可以剖而以斟吾無以瓠為也曰然穀將以欲棄之今田仲

不恃仰人而食亦無益人之國亦堅瓠之類也

都夷香食一片則厯月不饑

春蕪布握一片則滿室皆香

洞冥記都夷香如棗核食一片則厯月不饑以粒如粟米許投水中俄而滿大盃也

洞冥記波祗國亦名波弋國獻神精香草亦名荃蘼一名春蕪一根百條其間如竹節柔軟其皮如絲可為布所謂春蕪布亦名香荃布堅密如水紬也握一

片滿室皆香婦人帶之彌月芬馥

招涼珠

迎涼草

拾遺記黑蚌珠千年一生燕昭王常懷此珠當盛暑
之月體自輕涼號消暑招涼之珠

杜陽編李輔國家夏則于堂中設迎涼草其象類碧
而幹似苦竹葉細如松雖若乾枯而未嘗凋落盛暑
掛之窓戶間則涼風自至

龍與金

蛇銜珠

法苑俱名國有商人驅八牛牧于澤中時有離車捕得一龍云將食之商人以八牛易致取放別池中龍忽人語邀入宮中有龍女與八餅金云此是龍金截已更生足汝父母眷屬終身用之不盡

說苑隋縣澁水側有斷蛇丘昔隋侯出而見大蛇中斷疑其靈使人以藥封之蛇乃能去因號其處為斷

蛇丘歲餘蛇銜珠以報其珠徑寸純白夜有光明如月之照謂之隋戾珠亦曰靈蛇珠丘南有隋季良大夫池

銜雙明珠

銜赤玉珠

搜神記噲參養母至孝曾有玄鶴為戎人所射窮而歸之參收養治療瘡愈放之後鶴夜到門外參炳燭視之雌雄各至銜雙明珠報參焉

張氏家傳禧字彥祥除效穀令有鶴負矢集禧庭禧以甘草湯洗之傳藥留養十餘日瘡愈飛去月餘銜赤玉珠二枚置禧庭事

馬肝石

黃蛇珠

洞冥記元鼎五年邳支國貢馬肝石半青半白如今之馬肝春碎以和九轉之丹服之彌年不饑渴也以之拂髮白者皆黑帝坐羣臣于甘泉殿有髮白者以

石拂之應手皆黑是時公卿語曰不用作方伯惟須馬肝石此石酷烈不和丹砂不可近髮

又赤松子乘黃蛇入水得黃珠一枚色如真金或言是黃蛇之卵故名蛇珠亦名銷疾珠語曰寧失千里駒不失黃蛇珠


唾悉是金

泣則出珠

述異記南康樛都縣西沿江有石室名夢口穴嘗有

船遇一人通身黃衣擔兩籠黃瓜求寄載過至岸下
此人唾盤上徑下崖直入石穴中船主初甚忿之見
其人入石始知異視盤上唾悉是金矣

又有鮫人室水居如魚不廢機織其眼能泣則出珠
晉木玄虛海賦云天琛水恠鮫人之室



駢志卷十七

欽定四庫全書

子部
駢志卷十八

詳校官中書臣張姚成

主事臣祁韻士覆勘

總校官進士臣朱 鈐

校對官中書臣王家賓

謄錄監生臣章玉植

欽定四庫全書

駢志卷十八

明 陳禹謨 撰

壬部下

雙鵠為引

衆鳥翊從

宋志孝武帝孝建元年正月庚申鳳凰見丹徒渴賢亭雙鵠為引衆鳥陪從征虜將軍武昌王渾以聞

唐志長壽三年十一月陳州上言宛丘縣鳳凰集衆
鳥數萬前後翅從行列齊整色別為羣後三日改元
為儀鳳

羽豪

羽宗

苻子齊景公謂晏子曰寡人既得寶乘聚萬駟矣方
欲珠懸黎會金玉其得之即奚若晏子曰臣聞琬琰
之外有鳥焉曰金翅民謂為羽豪其為鳥也非龍肺

不食非鳳血不飲其食也常飢而不飽其飲也常渴而不充生未幾何夭其天年而死珠玉之珍非乃為君之患也

相鶴經鶴者陽鳥也而遊于陰因金氣依火精以自養行必依洲嶼止不集林木蓋羽族之宗長仙人之騏驥也又禽經鶴愛陰而惡陽鴈愛陽而惡陰

禦火

禦水

山海經小華之山鳥多赤鷩可以禦火 符禺之山
其獸多葱龍其狀如羊而赤鬣其鳥多鵠其狀如翠
而赤喙可以禦火 翠山其鳥多鵠其狀如鵠赤黑
而兩首四足可以禦火 涿光之山礪水出焉而西
流注于河其中多鰐鰐之魚其狀如鵠而十翼鱗皆
在羽端其音如鵠可以禦火 丑陽之山有鳥焉其
狀如鳥而赤足名馭餘可以禦火 岨山有鳥焉狀
如鴉而赤身白首其名曰竊脂可以禦火 即公之

山有獸焉其狀如龜而白身赤首名曰蜺是可以禦火

又崑崙之丘有木焉其狀如棠華黃赤實其味如李而無核名曰沙棠可以禦水食之使人不溺

熒熒之鳥同同之鳥

策策之魚堂堂之魚

衝波傳子路顏淵浴於珠水見五色鳥顏淵問由識此鳥否子路曰熒熒之鳥後日顏回與子路又浴于

泗水更見前鳥復問由識此鳥否子路曰同同之鳥
顏回曰何一鳥而二名子路曰譬如絲絹煮之則為
帛染之則為皁一鳥二名不亦宜乎

譚子化書庚氏穴池構竹為僦欄登之者其聲策策
焉辛氏穴池構木為僦欄登之者其聲堂堂焉二氏
俱牧魚于池中每僦欄投餌魚必踴躍而出後但聞
策策堂堂之聲不投餌亦踴躍而出則是庚氏之魚
可名策策辛氏之魚可名堂堂食之化也

鵜鵜

蠻蠻

山海經南方有比翼鳥不比不飛其名謂之鵜鵜
史記古之封禪西海致比翼之鳥 拾遺記成王時
然丘國獻比翼鳥雌雄各一以玉為樊 周書成王
時巴人獻比翼鳥

又崇吾之山有鳥其狀如鳬而一翼一目相得乃飛
名曰蠻蠻見則天下大水

孝鳥

仁鳥

尚書緯鳥有孝名武王卒父大業故鳥瑞臻 譙子
法訓曰夫孝行之本替本而求末未見得之者也鳥
者而有反哺况人而無孝心者乎

拾遺記晉文公焚山求介子推有白鳥遶烟而噪或
集介子推側火不能焚晉人嘉之起思烟臺其鳥云
仁鳥

烏棲府

烏集戰

漢書御史府中列栢樹常有野烏數千棲宿其上晨去暮來號朝夕烏又南史高昌國有朝烏者旦旦集王殿前為行列不畏人日出然後散去

舊唐書柳仲郢自拜諫議後每遷官羣烏大集于昇平里第庭樹戟架皆滿凡五日而散詔下不復集家人以為候唯除天平節度烏不復集

魯郊之鳥

罽賓之鸞

莊子昔者有鳥止于魯郊魯君說之為具大牢以饗之奏九韶以樂之鳥乃始憂悲眩視不敢飲食此之謂以已養養鳥也

范太鸞鳥詩序罽賓國王結旃峻岐之山獲一鸞鳥王甚愛之欲其鳴而不能致乃飾以金樊享以珍羞而鸞對之愈戚三年不鳴夫人曰聞鳥見其類而後

鳴可懸鏡以映之王從言鸞觀影感契慨焉悲鳴哀
響中宵一奮而絕

鸚鵡訴苦寒

鸚鵡持佛號

舊唐書貞觀五年林邑獻五色鸚鵡數訴寒適新羅
獻美女二人魏徵以為不宜受太宗喜曰林邑鸚鵡
猶能自言苦寒思歸況二女之遠別親戚乎并鸚鵡
各付使者歸之

韋臯鸚鵡舍利塔記貞元中有獻鸚鵡鳥者河東裴氏志樂金仙之道以此鳥名載梵經常狎而敬之始告以六齋之禁比及辰後非時之食終夕不視或教以持佛名號者則仰首奮翼若善承聽或俾之念佛則默然而不答或謂之不念即唱言阿彌陀歷試不爽貞元十九年七月悴爾不憚已而日甚馴養者知將盡乃鳴磬曰將西歸乎為爾擊磬爾其存念每一擊磬一稱彌陀佛洎十擊磬而十念成歛翼委足奄

然而絕焚之得舍利十餘粒

廣州獻吉了

廉州獻吉了

舊唐書禮樂志嶺南有鳥如鸚鵡而稍大乍視之不
相分辨籠養久則能言無不通南人謂之吉了亦云
結料開元初廣州獻之言音雄重如大夫委曲識人情
慧于鸚鵡遠矣

北戶錄普寧有廉州民獲赤白吉了各一頭獻于刺

史其赤者尋卒白者久而能言凡笑語悉皆效人斯
珍禽也 按唐會要林邑國有結遼焉謂之吉了鳥
能人語 又僉載天后時左衛兵遭劉景陽使嶺南
得秦吉了二隻能解人語至都進之畱其雌者雄煩
怨不食則天問曰何乃無聊也鳥曰其配為使者所
得頗思之乃呼景陽曰卿何故藏一鳥不進景陽叩
頭謝罪乃進之則天不罪也 聞見錄瀘南有禽秦吉
了者亦能人言有夷酋
欲以錢三十萬買之其人告以貧將賣爾秦吉了曰
我不願更二主遂不食而死 評曰秦吉了了一能言之

鳥耳猶不願更二主彼覲顏
事二君者真鳥之不如矣

變而之仁變而之不仁

變而之善變而之不善

夏小正云鷹為鳩變而之仁鳩為鷹變而之不仁也
鼠為鴽變而之善鴽為鼠變而之不善也 又搜神
記曰春分之日鷹變為鳩秋分之日鳩變為鷹時之
化也

鷹制鵬雛

朔識鵬雛

卷十八

幽明錄楚文王少時有人獻一鷹爪頭神爽殊絕常
鷹故為獵于雲夢置網雲布烟燒張天毛羣飛旋爭
噬競搏此鷹軒頸瞪目遠視雲際無搏噬之志王曰
吾鷹所獲以百數汝鷹曾無奮意將欺余耶獻者曰
若效于雉兔臣豈敢獻俄而雲際有一物翱翔飄飄
鮮白而不辨其形鷹見之便竦翮而升矗若飛電須
臾羽墮如雪血下如雨良久有一大鳥墮地而死度

其兩翅廣數十里喙邊有黃衆莫能識時有博物君子曰此大鵬雛也始飛故為鷹所制文王乃厚賞獻者

西域貢黑鷹得鵬雛衆莫喻惟東方朔識之

鵬放鵠

鵬縱禽

僉載滄州東光縣寶觀寺常有蒼鵬集重閣每有鵠數千鵬冬中每夕即取一鵠以暖足至曉放之而不

殺自餘鷹鵠不敢侵之

長安薦福寺有鵠冬取小禽煖爪掌旦則縱之視其所適之方則是日不于是方擊搏

白鵠送書

羣鵠繫書

僉載唐太宗養一白鵠號白將軍取鳥常驅至于殿前然後擊殺故名落鷹殿上恒令送書從北至東都與魏王仍取報日往返數迴

開元遺事張九齡少年時家養羣鴿每與親知書信
往來只以書繫鴿足上依所教之處飛往投之九齡
目之為飛奴時人無不愛訝又大理丞鄭復禮言
波斯舶上多養鴿鴿能飛行數千里輒放一隻至家
以為平安信

朱鴈為樂府

白鴈為婚誓

漢書禮樂志郊祀歌十九章其十八章象載瑜太始

三年行幸東海獲赤鴈作其詩曰赤鴈集六紛員殊

翁雜五采文神所見施祉福登蓬萊結無極

按孟康曰翁頸

也言其文采殊異也

舊唐書高宗納右衛將軍裴居道女為太子妃所司
奏以白鴈為鵠適會苑中獲白鴈高宗喜曰漢獲朱
鴈遂為樂府今獲白鴈得為婚鵠彼禮但成謠頌此
禮便首人倫異代相望我無慙德也

知夜

警露

淮南子鶴知夜半而不免于鼎俎 墨子蝦蟇日夜
鳴口乾而人不聽之鶴鷄時夜而鳴天下振動多言
何益

風土記鳴鶴戒露此鳥性警至八月白露降流于草
上滴滴有聲因集高鳴相警移徙所宿處處有變害
也 又禽經注露禽鶴也露下則鶴鳴

愛陰而惡陽

愛陽而惡陰

禽經云鶴愛陰而惡陽鴈愛陽而惡陰

胎化

影生

鮑昭舞鶴賦散幽經以驗物偉胎化之仙禽鍾浮曠
之藻質抱清迥之明心又雲嶠類要鶴胎生者形
體堅小惟食稻粱雖甚馴熟久須飛去鶴合而卵生
其體大食魚蝦啄蛇鼠不能去

內典鶴影生雌雄相隨如道士步斗履其跡而孕

鶴有凌霄之姿

鴈有凌霄之志

世說支道林好鶴時有遺其雙鶴者翅長欲飛林意惜之乃鍛其翮鶴軒翥不能復起乃舒翼反顧視之如有懊喪意林公曰既有凌霄之姿何肯為人作耳目近玩養令翮成置使飛去

載記慕容垂請至鄴拜墓苻堅許之權翼諫曰垂猶

鷹也饑則附人飽便高颺若遇風塵之會必有凌霄之志唯宜急其羈絆不可任其所欲堅不從去果不還

誓鳥

怨鳥

述異記精衛狀如海鷺今東海畔精衛誓水處溺于此川誓不飲其水一名誓鳥 又山海經女娃遊于東海溺而不返故為精衛常銜西山之木石以堙于

東海

禽經注子規甌越間曰怨鳥夜啼達旦血漬草木啼苦則倒懸于樹

海上之鷗

海上之鯖

列子海上之人有好鷗鳥者每旦之海上從鷗鳥遊鷗鳥之至者百數而不止其父曰吾聞鷗鳥皆從女遊取來吾翫之明日之海上鷗鳥舞而不下 蒼頡

解詁云鷺鷥也生藕葉上名水鴉 南越志云江鷗
一名海鷗在漲海中隨潮上下常以三月風至乃還
洲嶼生卵似雞卵色青頗知風雲若羣至岸必風漁
人及渡海者皆以此為候

呂氏春秋海上之人有好蜃者每居海上從蜃遊蜃
之至者百數而不止前後左右盡蜃也終日翫之而
不去其父告之曰聞蜃皆從女居取而來吾將翫之
明日之海上而蜃無至者矣

鷓鴣之飛先南

子規之啼必北

南越志鷓鴣鳥雖復東西迴翔命翮之始必先南翥
其鳴自呼杜薄州 異物志鷓鴣形似雌雞其志懷
南不北徂也其鳴云但南不北 酉陽雜俎鷓鴣飛
逐月數如正月一日飛而止但伏巢中不復起矣十
二月十二日起最難採南人設網取之

爾雅云雉周禽經雉周子規也啼必北向 博物志

杜鵑生子寄之他巢百鳥為飼之杜鵑即子規

鵲鵲止妬

鵲腦酒健忘

梁武帝平齊獲侍兒子餘輩頗娛於目為郅后所隔
抑憤恚將成疾左右識其情者進言曰臣嘗讀山海
經云以鵲鵲為膳可以止妬梁武從之郅妬之後妬
殆減半帝神其事左右復言曰願陛下廣為羞以徧
賜羣臣使不才者無妬於才挾私者不妬其奉公濁

者不嫉其清貧者不忌其廉亦助化之一端也帝然其言將詔虞人廣捕之會崇佛戒殺遂止

英華

酉陽雜俎肅宗張皇后專權每進酒常寘鴟腦酒令人久醉健忘

鸕鷀胎生

鸕鷀卵生

楊孚異物志鸕鷀能没于深水取魚而食之不生卵而孕雛于池澤間既胎而又吐生多者八九少者五

六相連而出若系緒焉水鳥而巢高樹之上 又杜
臺卿淮賦鷓鴣吐雛于八九鵲鵲銜翼而低昂

本草衍義冠宗與嘗官于澧州公宇後有大木一
株其上有鷓鴣三四十巢日夕觀之既能交合兼有
卵殼布地其色碧豈得雛吐口中是全未考尋可見
當日聽人之誤言也

鷓鴣集于芝池魏文下詔

鷓鴣獲于宮內崔光進言

魏黃初中有鵜鵠集于靈芝池文帝下詔以曹恭公
遠君子近小人博求賢俊太尉華歆由此遜位而讓
管寧

魏書肅宗時獲禿鶩鳥于宮內詔以示崔光光表曰
蒙示所得大鳥此即詩所謂有鶩在梁者也臣聞野
物入舍古人以為不善是以張罝惡鴈賈誼忌鵜鵜
鵠暫集而去前王猶為至誠況今親入宮禁為人所
獲方被畜養晏然不以為懼準諸往義信有殊矣衛

侯好鶴曹伯愛鴈身死國滅可為寒心

雀入于海為蛤

雉入于淮為蜃

夏小正九月雀入于海為蛤蓋有矣非常入也

又十月玄雉入于淮為蜃蜃者蒲蘆也按晉語趙

簡子歎曰雀入于海為蛤雉入于淮為蜃

小曰蛤大曰蜃皆介

物蚌類也鼃鼃魚鼃莫不能化唯人不能哀夫實隼侍曰

臣聞之君子哀無人不哀無賄哀無德不哀無寵哀

名之不令不衰年之不登夫中行范氏不恤庶難而欲擅晉國今其子孫將耕於齊宗廟之犧為畎畝之勤人之化也何日之有

孝鵝

靈雞

寰宇記天寶末德清沈朝家有鵝育卵而腸出以死其雛悲鳴不復食啄敗薦覆之又銜芻草母前若祭奠狀長吁數聲而死沈氏異而埋之後人因呼為孝

鵝塚

高僧傳唐杭州徑山釋法欽姓朱氏嘗養一雞不食
生類隨之若影不游他所及其入長安長鳴三日而
絕今鷄塚在焉

見蛇則噪而責

見蛇則宛而躍

禽經云鵲見蛇則噪而責孔雀見蛇則宛而躍

見異類差翅鳴

見同類拊翅鳴

禽經云鵝見異類差翅鳴鷄見同類拊翅鳴

喜日鵝

垂露鴨

洞冥記有喜日鵝至日出時銜翅而舞又名曰舞日鵝

又有升渠鴨赤色每止于芙蓉上不食五穀唯啞葉上垂露因名垂露鴨一名丹毛鳧

野鷄先鳴而後鼓翼

家鷄先鼓翼而後鳴

物類相感志云鷄畜能知時雖風雨陰霾而戒時不
忒時至則啼人以為候故周書緯云鷄陽鳥也所以
為人候四時也又云野鷄屬陰先鳴而後鼓翼家鷄
屬陽先鼓翼而後鳴

長鳴雞

遠飛鷄

西京雜記長鳴鷄一食頃不絕長距善鬪

洞冥記有遠飛鷄夕則還依人曉則絕飛四海朝往夕還祝雞公善養鷄得遠飛鷄之卵伏之名曰翻明鷄如鵠大色紫有翼翼下有目亦曰目羽雞

伺晨鷄

司夜鷄

西京雜記成帝時交趾越雋獻伺晨雞即下漏驗之畧刻無差

洞冥記有司夜鷄隨鼓節而鳴不息從夜至曉一更為一聲五更為五聲亦曰五時雞

梟逢鳩告以東徙

鳩遇梟止其巢吳

說苑梟逢鳩鳩曰子將安之梟曰我將東徙鳩曰子改鳴則可不能改鳴猶惡子之聲也

曹子建集令禽惡鳥論昔荆之梟將徙巢于吳鳩遇之曰子將安之梟曰將巢于吳鳩曰何去荆而巢吳

乎臬曰荆人惡予之聲鳩曰子能革子之聲則免無
為去荆而巢吳也如不能革子之聲則吳楚之民不
異情也為子之計者莫若宛頸戢翼終身勿復鳴也
用臬鏡以祠黃帝

作臬羹以賜百官

郊祀志古天子嘗以春解祠祠黃帝用一臬破鏡

師古

曰解祠者謂祠祭以解罪求福張晏曰黃帝五帝之
首也歲之始也臬惡逆之鳥方士虛誕云以歲始祓
除凶災令神仙之帝食惡逆之物使天下為逆者破
滅訖竟無有遺育也孟康曰臬鳥名食母破鏡獸名

食父黃帝欲絕其類使百吏
祠皆用之破鏡如羆而虎眼

又如淳注曰五月五日作梟羹以賜百官

鷓鴣胎生

囊狸卵生

韓詩內傳云鷓鴣胎生孔子渡江見而異之

異物志狸十有一種囊狸卵生

雁銜蘆

龜藏六

古今注雁自河北渡江南瘦瘠能高飛不畏繒繳江南沃饒每至還河北體肥不能高飛恐為虞人所獲常銜蘆長數寸以防繒繳焉淮南子夫雁從風而飛以愛氣力銜蘆而翔以避弋繳抱朴子智禽銜蘆以避網水牛結陣以却虎

雜阿含經有龜被野于所包藏六而不出野于怒而捨去佛告諸比丘當如龜藏六自藏六根魔不得便法句經昔有道人河邊學道但念六塵心無寧息

龜從河出水狗將噉龜龜縮頭尾四脚藏于甲中狗
不能得便狗去還出便得入水道人因悟我不及龜
放恣六情不知死至

虎導

鹿隨

符瑞志宋元嘉三十五年白虎見蜀郡二赤虎導前
又瑞應圖白虎者義獸也一名騶虞王者德至禽
獸澤洞幽冥則見

五代史永平三年五月騶虞見壁山有二鹿隨之

見則天下大穰

見則天下大風

山海經欽山有獸焉其狀如豚而有牙其名曰當康
其鳴自呌見則天下大穰 泰器之山觀水出焉西

流注于流沙是多文鰩魚狀如鯉魚魚身而鳥翼蒼
文而白首赤喙嘗行西海游于東海以夜飛其音如
鸞雞其味酸甘食之已狂見則天下大穰 玉山有

獸焉其狀如犬而豹文其角如牛其名曰狻其音如
吠犬見則其國大穰

又凡山有獸焉其狀如彘黃身白頭白尾名曰聞獬
見則天下大風 少咸之山有獸焉其狀如犬而人
面善投見人則笑其名山獬其行如風見則天下大
風

見則天下大水

見則天下大旱

山海經空桑之山有獸焉其狀如牛而虎文其音如
欽其名曰軫軫其鳴自呌見則天下大水 豺山有
獸焉其狀如夸父而彘毛其音如呼見則天下大水
剡山有獸焉其狀如彘而人面黃身而赤尾其名
曰合窳其音如嬰兒是獸也食人亦食蟲蛇見則天
下大水 陽山多化蛇其狀如人面而豺身鳥翼而
蛇行其音如叱呼見則其邑大水 教岸之山有獸
焉其狀如白鹿而四角名曰夫諸見則其邑大水

長右之山有獸焉其狀如禺而四耳其名長右其音如吟見則其郡縣大水 崇吾之山有鳥焉其狀如鳬而一翼一目相得而飛名曰蠻蠻見則天下大水 玉山有鳥焉其狀如翟而赤名曰𪔐遇是食魚其音如錄見則其國大水 邽山濛水出焉南流注于洋水其中多黃貝羸魚魚身而鳥翼音如鴛鴦見則其邑大水

又姑逢之山有獸焉其狀如狐而有翼其音如鴻鴈

若鳴曰獬獬見則天下大旱 獨山末塗之水出焉
而東流注于沔其中多螭螭其狀如黃蛇魚翼出入
有光見則其邑大旱 女烝之山膏水出焉而西注
于鬲水其中多薄魚其狀如鱸魚而一目其音如歐
見則天下大旱 子桐之山子桐之水出焉而西流
注于餘如之澤其中多鼈魚其狀如魚而鳥翼出入
有光其音如鴛鴦見則天下大旱 崦嵫之山有鳥
焉其狀如鷄而人面雉身犬尾其名自號也見則其

邑大旱 鎔于母逢之山浴水出焉有大蛇赤首白
身其音如牛見則其邑大旱 太華之山有蛇焉名
曰肥蠧六足四翼見則天下大旱 渾夕之山有蛇
一首兩身名曰肥遺見則其國大旱

觸邪獸

飼邪獸

述異記獬豸者一角之羊也性知人有罪臯陶治獄
其罪疑者令羊觸之 又唐長慶中隴上出異獸如

猴腰尾皆長色青迅猛見蕃人即捕而食之遇漢人則否

神異經窮其獸似牛而色狸尾長曳地其聲似狗狗頭人形鈎爪鋸牙逢忠信之人齧而食之逢姦邪者

則擒禽獸而飼之

窮其當作窮奇

除凶

蠲忿

梁祚魏國統云西南夷土有異犀三角夜行如大炬

火照數千步或時解脫則藏于深密之處不欲令人見之王者貴其異以為簪能消除凶逆

杜陽編懿宗周昌公主出降帶蠲忿犀其犀圓如彈丸入土不朽爛帶之令人蠲忿怒

禦兵

禦凶

山海經中曲之山有獸焉其狀如馬而白身黑尾一角虎牙爪音如鼓音其名曰駮是食虎豹可以禦兵

號山其鳥多寓狀如鼠而鳥翼其音如羊可以禦兵
騄山正回之水出焉而北流注于河其中多飛魚
其狀如豚而赤文服之不畏雷可以禦兵 少室之
山休水出焉而北流注于洛其中多鯢魚狀如鰻雌
而長距足白而對食者無蠱疾可以禦兵

又陰山有獸焉其狀如狸而白首名曰天狗其音如
樛樛可以禦凶 英鞮之山沔水出焉而北注于陵
羊之澤是多冉遺之魚魚身蛇首六足其目如馬耳

食之使人不昧可以禦凶 講山有木焉名曰帝屋
葉狀如椒反傷赤實可以禦凶

反傷刺
下句也

辟塵

試毒

本草李司封宗易嘗言石駙馬保吉知陳州其州解
一皆新之每毀舊屋則坐于下風塵自分去人皆驚
怪之蓋其所服辟塵犀也 嶺表錄異辟塵犀為婦
簪梳塵不著髮

抱朴子通天犀有白理如線者以盛米置羣雞中雞欲往啄米至輒驚却故南人名為駭雞犀得其角一尺以上刻為魚而銜以入水水常為開方三尺可得氣息水中以其角為叉導者試煮毒藥為湯以叉導攪之皆生白沫無復毒物則無沫起也 北戶錄注通天犀置大霧重露下終不沾濡又堪辨毒或中毒箭刺於瘡中立愈蓋犀食百毒棘刺故也 南越志海中出離水犀似牛其出入有光水為之開

舊唐書拂菻國一名大秦有鳥似鵝其毛綠色常在
王邊倚枕上坐每進食有毒其鳥輒鳴

雙雙合體

蛩蛩假足

山海經云南海之外有二青獸相并名曰雙雙

注云
言體

合為一也公羊
傳雙雙而俱至

說苑孔子曰北方有獸其名曰蜃前足鼠後足兔是
獸也甚矣其愛蛩蛩巨虛也食得甘草必齧以遺蛩

蛭巨虛蛭蛭巨虛見人將來必負蛭以走蛭非性之
愛蛭蛭巨虛也為其假足之故也二獸者亦非性之
愛蛭也為其得甘草而遺之故也

萬萬血堪染韞

猩猩血可染罽

本草宋建武中安西縣主簿韋文禮進萬萬雌雄二
頭帝曰吾聞萬萬能負千鈞若既力如此何能致之
彼土人丁鑾進曰萬萬見人喜笑則上唇掩其目人

以釘釘著額上任其奔馳候死而取之髮極長血堪
染鞞其毛一似獼猴人面紅赤色作人言馬聲善知
生死飲其血使人見鬼帝聞而欣然命工圖之

華陽國志永昌郡有猩猩能言其血可以染朱罽色
鮮不黷

獅能禦象

獅能伏虎

宋書宗慤字元幹隨檀和之伐林邑入象浦林邑王

范陽邁傾國來拒以兵裝被象前後無際慙曰吾聞獅子威服百獸乃制其形與象相禦象果驚奔衆因潰散遂克林邑收其異寶雜物不可勝計

洛陽伽藍記元魏波斯國獻獅子永安末始達京師莊帝謂侍中李彧曰朕聞虎見獅子必伏可覓試之於是詔近山郡縣捕虎以進鞏縣山陽并進二虎一豹見獅子悉瞑目不敢仰視園中素有一育熊性甚馴善帝令取試之虞人牽育熊至聞獅子氣驚怖跳

跟曳鎖而起帝大笑 舊說獅子虎見之而伏豹見之而暝熊見之而躍

象膽隨四時

蚘膽隨三旬

類苑淳化中上苑一象斃太宗命取膽不獲徐鉉曰當在前左足果得之問其故鉉曰象膽隨四時在足今方春故知之

酉陽雜俎蚘蛇膽上旬近頭中旬在心下旬近尾

又朝野僉載云五月五日取時膽兩柱相去五六尺
繫蛇頭尾以杖於腹下來去扣之膽即聚以刀刮取
藥封放之不死復更取看肋下有痕即放

木代象牙

木代犀角

南越志象牙長一丈餘脫其牙則深藏之削木代之
可得不爾窮其主得乃已

抱朴子犀角一解角藏于山中人以木如其角代之

犀不覺後年輒復解 酉陽雜俎云波斯國謂象牙
為白暗犀角為黑暗

象泣子

猿求子

酉陽雜俎象性允識見其子皮必泣 又蔣子萬機
論云象見子皮無遠近必泣

南史齊魚復侯子響為蕭順之所殺武帝出景陽山
見一猿奮擲悲鳴問後堂丞此猿何意答曰猿子前

日墮崖致死其母求之不見故耳上因憶子響歔歔
良久不自勝順之慙懼以憂卒

飛兔日行三萬里

騏驎行萬五千里

瑞應圖曰飛兔者神馬之名也日行三萬里禹治水
勤勞歷年救民之害天應其德而至

應劭曰古有駿馬名騏驎赤喙黑身一日行萬五千
里

馬名黃耳

犬名黃耳

穆天子傳注魏時鮮卑獻千里馬白色而兩耳黃名

曰黃耳

述異記陸機少時頗好遊獵在吳豪盛客獻快犬名
曰黃耳機後仕洛常將自隨此犬黠慧能解人語又
常借人三百里外犬識路自還一日至家機羈旅京
師久無家問機戲語犬曰我家絕無書信汝能賣書

馳還取消息否犬喜搖尾作聲應之

絕塵

絕影

西京雜記文帝自代還有良馬九匹一名絕塵

魏書曰曹公所乘馬名絕影

漢文帝九逸

唐太宗十驥

西京雜記文帝自代還有良馬九匹皆天下之駿馬

也一名浮雲一名赤電一名絕羣一名逸驃一名紫
驚驪一名綠騮驄一名龍子一名麟駒一名絕塵號
為九逸有來宣能御代王號為王良俱還代邸

回紇傳唐太宗時東骨利幹國產良馬首似橐駝筋
骼壯大日中馳數百里太宗時來其大酋因使者獻
之帝取其異者號十驥皆為美名曰騰霜白曰皎雪
驄曰凝露驄曰懸光驄曰決波驂曰飛霞驃曰發電
赤曰流金馭曰翔麟紫曰奔虹赤厚禮其使

昭陵六馬

大宛六馬

金石錄太宗六馬其一曰拳毛騶黃馬黑喙平劉黑
闥時所乘贊曰月精按轡天駟橫行弧矢載戢氛埃
廓清其二曰什伐赤純赤色平世充建德時所乘贊
曰渥澗未靜谷鉞伸威朱汗騁足青旌凱歸其三曰
白蹄烏純黑色四蹄俱白平薛仁果時所乘贊曰倚
天長劍追風駿足聳轡平隴回鞍定蜀其四曰特勒

驃黃白色喙微黑色平宋金剛時所乘贊曰應策騰
空承聲半漢入險摧敵蒙危濟難其五曰颯露紫紫
驚騶平東都時所乘贊曰紫驚超躍骨騰神駿氣鬐
三川威凌八陣其六曰闕驅蒼白雜色平竇建德時
所乘贊曰足輕雪影神發天機策茲飛練定我戎衣
潼關之役備體流汗

紀異錄天寶中大宛國進汗血馬六足一曰紅叱撥
二曰紫叱撥三曰青叱撥四曰黃叱撥五曰丁香叱

撥六曰桃花叱撥上乃製名一曰紅玉輦二曰紫玉輦三曰平山輦四曰陵雲輦五曰飛香輦六曰百花輦復命圖于瑤光殿乃改為觀驥殿

劉先主的盧

庾元規的顧

世語曰劉備屯樊城劉表曾請備宴會蒯越蔡瑁欲因會取備備覺之偽如廁潛遁出所乘馬名的盧騎的盧走渡襄陽城西檀溪水中溺不得出備急曰的

盧今日厄矣可努力的盧乃一踴三丈遂得過乘桴渡河中流而追者至以表意謝之曰何去之速乎

晉書庾亮字元規美姿容初亮所乘馬有的盧殷浩以為不利於主勸亮賣之亮曰曷有已之不安而移之於人浩慙而退傳玄乘輿馬賦曰往日劉備之初降也太祖賜之驄馬使自至廐選之厯名馬以百數莫可意者次至下廐有的盧馬委棄莫視瘦瘁骨立備撫而取之衆莫不笑之馬超破蘇氏塢塢中有

駿馬百餘匹自起以下俱爭取肥好者而將軍龐德獨取一騮馬形觀既醜衆亦笑之其後劉備奔于荊州馬超戰于渭南逸足電發追不可逮衆乃服焉

五花乘

九花虬

名畫要錄開元內廐有飛黃照夜浮雲五花之乘又唐六典云外牧歲進良馬印以五花飛鳳之字杜陽編代宗命御馬九花虬并紫玉鞭轡以賜郭子

儀馬身被九花文號九花虬上往日東幸觀獵於田
不覺日暮忽顧謂侍臣曰行宮去此幾里奏曰四十
里上令速鞭恐闕夜而九花虬綏然如三五里而已
忽雷駭

望雲騅

酉陽雜俎秦叔寶所乘馬號忽雷駭常飲以酒每於
月明中試能豎越三領黑羶及胡公卒嘶鳴不食而
死

國史補德宗幸梁御馬號望雲騅駕還飼以一品料
暇日牽而視之至必長鳴四顧若感恩狀後老死飛
龍廐中貴戚畫為圖

東夷瀛國獻果下馬

漢樂浪郡出果下馬

魏志瀛國果下馬漢桓時獻之

注云高三尺乘之
可于果樹下行

又漢書昌邑王賀召皇太后果下馬乘之

述異記漢樂浪郡出果下馬高三尺 又北史尉景

有果下馬文襄求之不與曰土相扶為墻人相扶為王一馬亦不得畜而索也

千里馬

千里牛

續博物志肅宗時有告保定太守反者令李泌乘千里馬往按之千里馬寧遠所獻髮拳紫色狀如八駿乘者必衣裘冒絮似胡兒抱持早發扶風初馳三十里則皆旁側跳三十里外乃墜然而去唯聞耳傍風

聲飛前蹄之土過辰時達保定申時歸奏事

晉書荀晞見朝政日亂懼禍及已而多所交結每得珍物即遺都下親貴兗州去洛五百里恐不鮮美募得千里牛每遣信旦發暮還

馬四歲二齒

牛四歲四齒

酉陽雜俎馬四歲兩齒至二十歲齒盡平

酉陽雜俎牛三歲二齒四歲四齒五歲六齒以後每

一年接脊一節

六角牛

四耳牛

述異記周成王時東夷送六角牛

洞冥記元封三年大秦獻花蹄牛高六尺尾環繞角
生四耳角端有肉蹄如蓮華

角容一石

角容甘斛

魏書元魏桓帝馬不能勝常乘安車駕大牛角容一石

南史扶桑國有牛角甚長以角載物至勝二十斛

稍割牛

日及牛

什法盛厯國傳天竺波羅奈國有稍割牛黑色角細長可四尺計十日一割或不至十日一割便因病或致死人服其血皆老壽國人皆壽五百歲牛壽一等

于人 又異物志月氏有羊尾重十斤稍割以供養
尋生如故

玄中記大月支及西胡有牛名曰及牛以今日割取
其肉三四斤明日其肉已復瘡亦愈漢人入此國以
牛示之以為珍異漢人曰吾國有虫大小如指名為
蠶食桑葉為人吐絲外國人不復信有蠶也 又博
物志越雋國有牛稍割取肉經日必復生 又膳夫
錄大食勿斯離國產胡羊高三尺餘其尾如扇每歲

春時割取脂二十餘斤再縫合仍生不取則脹死
莊浪有養羊土人歲取其脂非久復滿腹

鹿角八岐

鹿身兩頭

宋高僧傳唐京師安國寺什元康貞觀中遊學京邑
有彭姓者先居山野見一鹿角分八岐厥形絕異撫
而馴伏遂豢養之乘而致遠曾無倦色

魏宏南中志雲南郡有熊倉山上有神鹿一身兩頭

食毒草名之食毒鹿 盛弘之荊州記武陵郡有山
獸如鹿前後有頭常以一頭食一頭行

猾褢冬蟄

熊羆冬蟄

山海經堯光之山其陽多玉其陰多金有獸焉其狀
如人而彘鬣穴居而冬蟄其名曰猾褢

滑懷
兩音

其音如

斷木見則縣有大繇

詩義熊能攀緣上高樹見人則顛倒投地而下冬入

穴而蟄始春而出

鹿寨

熊館

瑣碎錄鹿夜臨宿下鹿角寨大者角向外四圍小者
在中團圍如寨今人以木倣作鹿角寨

墨客揮犀熊于山中行數十里悉有踰伏之所必在
石崑枯木中山民謂之熊館唯虎出百里外則迷所
出道路

熊白

熊掌

埤雅云熊當心白脂如玉俗呼熊白好舉木引氣謂之熊經

爾雅翼熊方冬唯自舐其掌故其掌特美烹之難熟
晉靈公殺宰夫之腍熊蹯不熟者而楚城見圍請食
熊蹯而死以其難熟冀於外救也 纏子桀王天下
酒濁而殺厨人紂王天下熊蹯不熟而殺厨人

呼熊為子路

呼虎為李耳

述異記東土呼熊為子路以物擊樹云子路可起於是便下不呼則不動也

風俗通曰呼虎為李耳俗說虎本南部中廬李氏所為呼李耳即喜呼斑便怒又方言曰陳魏宋楚之間或謂之李父江淮南楚之間謂之李耳自關東西謂之伯都虎食物遇耳即止以觸諱故也

一峯索駝

兩脚駱駝

北史迷密國正平元年遣使獻一峯黑索駝 爾雅
翼駝背有兩峯如鞍其足三節

南史滑國者車師之別種也有兩脚駱駝野驢有角
果然讓老

果然傷類

山經果然獸似獼猴以名自呼色蒼黑羣行老者在

前少者在後得果食輒與老者似有義焉交趾諸山
有之獠人射之以其毛為裘褥甚溫煖

國史補劍南人之採果然者得一果然其數十果然
可得何哉果然有傷其類者聚族悲鳴雖殺之不去
此禽獸之狀而人心也

麝舉爪剔其香

蚶露腹明無膽

埤雅今商汝山中多羣麝所遺糞常就一雖遠逐食

必還走其地不敢遺跡他所慮為人獲人反以是蹤
迹其所在必掩羣而取之蓋麝絕愛其香每為人所
迫逐勢且急即自投高岩舉爪剔出其香就繫且死
猶拱四足保其臍

嶺表錄異蟒蛇被取膽它日見捕者則遠遠側身露
腹瘡明已無膽以此自脫

孫供奉

胡博士

幕府據聞錄唐昭宗播遷隨駕伎藝人有弄猴頗馴
能隨班起居昭宗賜以緋袍號孫供奉羅隱下第詩
云何如學取孫供奉一笑君王便著緋朱梁篡位取
此猴令殿下起居猴望殿陛見全忠徑趨其所跳躍
奮擊遂令殺之唐臣媿此猴多矣

搜神記有一書生皓首稱胡博士教授諸生忽復不
見九月九日士人相與登山遊觀聞講書聲命僕尋
之見空冢中羣狐羅列見人即走老狐獨不去是皓

首書生

狐死首丘

豹死首山

廣志狐死首丘豹死首山是性之異也 又安南志
象病必向南而死

猶豫

狐疑

顏氏家訓禮云定猶豫決嫌疑離騷曰心猶豫而狐

疑先儒未有釋書按尸子曰五尺犬為猶說文云隴
西謂犬子為猶吾以為人將犬行犬好豫在人前待
人不得又來迎候如此往還至于終日斯乃豫之所
以為未定也故稱猶豫或以爾雅曰猶如麕善登木
猶獸名也既聞人聲乃豫緣木如此上下故稱猶豫
狐之為獸又多猜疑故聽河水無流水聲然後渡今
俗曰狐疑虎卜則其義也

狼籍

狼狽

野史云狼起臥遊戲多藉草草皆穢故曰狼籍

酉陽雜俎云狼脰中筋大如鴨卵有犯盜者熏之當
令手攣縮狼糞烟直上烽火用之或言狼狽是兩物
狽前足絕短每行常駕兩狼失狼則不能動故世言
事乖者稱狼狽

以黃羊祀竈

以烏羊繫車

風俗通漢記南陽陰子方積恩好施善祀竈臘月晨
炊而竈神見再拜受神時有黃羊因以祀之其孫識
執金吾封原鹿侯興衛尉鮦陽侯家凡二侯牧守數
十其後子孫常以臘月祀竈以黃羊

南史孔淳之與王敬弘為人外之游又申以婚姻敬
弘以女適淳之子尚遂以烏羊繫所乘車轅提壺為
禮至則盡歡共飲迄暮而歸或怪其如此答曰固亦
農夫田父之禮也

羊生土中

犬生地中

舊唐書拂林

林當作蘇

國有羊羔生于土中其國人候其

欲萌乃築垣以環之防外獸所食然其臍連地割之
絕則死惟人著甲走馬擊鼓駭之其羔驚鳴而臍絕
因逐水草以一二百口為羣

尸子地中有犬名曰地狼 夏鼎志掘地得犬名曰

賈

冰下鼠重十斤毛可以為褥

火中鼠重百斤毛可以作布

神異經北方層冰萬里厚百丈有磤鼠在冰下土中
焉形如鼠食草木肉重千斤可以作脯其毛八尺可
以為褥臥之卻寒又不燼水火中有鼠重千斤毛長
二尺餘細如絲但居火中洞赤時時出外而毛白以
水逐而沃之即死取紡績其毛織以為布用之若有
垢澣以火燒之則淨也

又南荒之外有火山晝夜火然火中有鼠重百斤毛長二尺餘細如絲可以作布

龍畏鐵

龍畏蠟

封氏見聞海州南有溝水上通淮楚公私漕運路也
寶應中堰破東海令李知遠主役脩復將成輒壞甚
以為憂或說梁武築浮山堰頻有缺壞乃以鐵數萬
斤填積其下堰乃成知遠聞之即依其言而塞穴初

堰之將壞也輒聞其下殷如雷聲至是其聲移于上
流數里蓋金鐵味辛辛能害目蛟龍護其目避之而
去故堰可成

南部新書龍之性麤猛而畏蠟愛玉及空青而嗜燒
鷺肉故食鷺肉人不可渡海

鱖魚陵居

龍魚陵居

山海經抵山多水無草木有魚焉其狀如牛陵居蛇

尾有翼其羽在鮓亦作脅下其名曰鮓冬死而夏生食之無腫疾

又龍魚陵居在軒轅之北狀若狸一曰鰕即有神聖乘此以行九野一曰鼈魚在天野北其為魚也如鯉

白龍魚服

白龍魚鱗

載記韋諛曰白龍魚服有豫且之禍海若潛游懼葛陂之醕

洞冥記白龍魚鱗網者食之

十朋

四品

爾雅一曰神龜二曰靈龜三曰攝龜四曰寶龜五曰文龜六曰筮龜七曰山龜八曰澤龜九曰水龜十曰火龜 易損五爻云或益之十朋之龜鄭注引之

食貨志元龜距冉長尺二寸直千一百六十為大貝

十朋公龜九寸直五百為壯貝十朋侯龜七寸以上

欽定四庫全書

聊志
卷十八

五

直三百為小貝十朋子龜五寸以上直百為小貝十朋是為龜寶四品

玄衣督郵

河伯從事

古今注龜一名玄衣督郵

又云龜一名河伯從事

吳王膾餘

誌公膾殘

博物志吳王江行食膾有餘棄于江中流化而為魚

今江中有名吳王餘膾魚者長四寸大者如箸猶作膾形

高僧傳寶誌對梁武帝食膾帝曰朕不知味二十餘年師何必爾誌乃吐出小魚鱗尾依然今金陵膾殘魚是也

曝鰓

燒尾

欽定四庫全書

聊志
卷十八

五

三秦記河津一名龍門巨靈跡猶存水懸下注旁有山水陸不通龜魚之屬莫能上江海大魚集門下數千不得上上者為龍不上者魚故云曝鰓龍門垂耳轅下

林登博物志龍門之下每歲季春有黃鯉二魚自海及諸川爭來赴之一歲中登龍門者不過七十一初登龍門即有風雨隨之天人自後燒其尾乃化為龍矣

鰕姑

螺婦

爾雅翼海中有鰕姑狀如蜈蚣云管鰕

原化記義興吳堪為縣吏家臨荆溪忽得大螺已而
化女子號螺婦縣令聞而求之堪不從乃以事虐堪
曰今要鰕鰕毛鬼臂二物不獲致罪堪語螺婦即致
之令乃謬語曰更要禍斗堪又語螺婦婦曰此獸也
須臾牽至如犬而食火糞以為火令與火試之忽遺

糞燒縣宇令及一家皆焚死焉

海鏡蟹為腹

水母蝦為目

越絕書海鏡蟹為腹水母蝦為目 嶺表錄異海鏡

廣人呼為膏葉盤兩片合以成形殼圓中甚瑩滑日

照如雲母光內有少肉如蚌胎腹中有紅蟹子其小

如黃豆而螯足具海鏡饑則蟹出拾食蟹飽歸腹海

鏡亦飽或迫之以火則蟹子走出離腸腹立斃或生

剖之有蠨子活在腹中逡巡亦斃 本草蜡一名樗
蒲魚生東海如血鰠大者如牀小者如斗無腹胃眼
目以蝦為目蝦動蜡沈故曰水母目鰕如駟驢之與
蛭蛭相假矣

蜂君

蟻王

化書蜂有君禮也 自然論蜂無王而盡死

齊諧記董昭之過江見一蟻著一短蘆走因以繩繫

蘆著船蟻得生其夜夢一烏衣人謝云僕是蟻中王也後竟脫董于難

食而不飲

飲而不食

淮南子曰蠶食而不飲三十二日而化蟬飲而不食三十日而死浮游不飲不食三日而終也

青蠅為弔客

青蠅為賀客

虞翻別傳翻放棄南方云自恨疏節骨體不媚犯上
獲罪當長沒海隅生無可與語死以青蠅為弔客使
天下一人知己者足以不恨

青陽記術士相牛僧孺若青蠅拜賀方能及第公疑
之及登科訖歸坐家庭有青蠅作八行立約數萬折
躬再三良久乃去

樹子化蝶

木葉化蝶

瀟湘錄長安城禁苑內一大樹冬月雪中忽花葉茂盛及凋落後結實其子光明燦然如火之照焉數日皆化為紅蛺蝶飛至明年唐高祖自唐國入長安此其前兆也

北戶錄段公路南行歷懸藤峽維舟飲水覩巖側有一木五綵初謂丹青之樹命僕採獲一枝尚綴軟蝶凡二十餘個有翠紺縷者金眼者丁香眼者紫斑眼者黑花者黃白者緋脉者大如蝙蝠者小如榆莢者

因登岸視之乃知木葉化焉


蛺蝶如帆

蜈蚣如箏

嶺南異物志常有人游南海泊于孤岸有物如蒲帆
飛過海將到舟舟人競以物擊之如帆者盡破碎墮
地視之乃蛺蝶也海人去其翅足稱之得肉八十斤
噉之極肥美

紀聞唐杜暉使嶺南至康州見蜈蚣大如箏天寶四

載廣州因海潮一蜈蚣死割其爪得肉一百二十斤



駢志卷十八